

# Es het einisch eine gseit

Ruedi Krebs  
2er in em

D
hm
em
0

1. Es het einisch eine gseit  
Är sig nümme da wenn's schneit  
Und sy Spur die find me nümm  
im Schnee.

2. Aber d'Lüt hei über das  
Nume gspottet und gseit was  
Redt de dä im Summer scho vo Schnee.

3. Und mä het nen immer meh  
Spät ir Nacht no chönne gseh  
Ganz elei dür alli Gasse ga.

4. Und de hie u da, da het  
Är lut mit sich sälber gredt  
D'Lüt hei glachet u si bliibe stah.

5. S'isch no gar nid e so lang  
Dass mir einisch mitenang  
Amnen Egge öppis brichtet hei.

6. Und gli druf ha n'is vernoh  
Är sig nümme da und scho  
Louft me ds mornderischt im erschte  
Schnee

Letzte. Es het einisch eine gseit  
Är sig nümme da wenn's schneit  
Und sy Spur die fingt me nümm im  
Schnee.